

Financiamiento pa Green Corridor continua ta na caminda

ORANJESTAD – E mega proyecto di Green Corridor a confronta algun contratiempo pa falta di placa. Ainda nan ta pendiente di e placa cu lo bin di afo pa financiancia e proyecto aki di un gran infraestructura pa nos pais.

Bon Dia Aruba a papia cu minister di Economia, sr. Mike de Meza tocante e disponibilidad di financiamiento pa e proyecto aki, cu a inicia caba, lo por culmina exitosamente. Nan ta wardado cu un banco na New York lo bin cla cu e financiamiento di e proyecto aki pa sigui cun'e. E proyecto aki tin un balor di alrededor di 300 miyon florin y e compania Odinsa S.A. encarga cu e realisacion di dje ta ocupa pa regla e parti di financiamiento aki. Ya caba algun trabou di preparacion a tuma luga na altura di Ser'i Teishi pa Balashi, sin embargo aworaki mondi a cuminsa crece caba.

Green Corridor ta un di e proyectonan mescos cu renobacion y expansion di hospital cu ta hopi miyones lo wordo inverti den economia. Otro proyecto ta esun di e waf di container na Barcadera. Minister de Meza cu ta esun encarga cu e cartera di Economia ta mira cu e aña aki ainda y sigur otro aña nos lo mira cifranan sumamente hanto pa economia di Aruba. □